

COMUNICATO n. 1807 del 30/06/2025

Di vorlegom bartn khemmen geschèzt vonar internatzionàlegen Djurì

Prais Arge Alp 2025, zornìrt di enttoalнемmar vor in Trentino

[Cimbroy] Auhaltн prodjèkte boda in an modo hèrta naügar, un boda mang khemmen bidar gemacht aftz ändre saitn o, darzuar süchan zo geba eppaz naügez in djungen djeneratziongen von alpinar lentar: disar iz dar haup tèma von Prais ARGE ALP 2025, in djar vodar vorsitzarung vodar autonome Provìntz vo Tria, est izta khent di zait zo zornira di prodjèkte in alle di lentar boda soин toal vodar arbat Kamòuschaft.

Di djurìan von lentar, defatte, soинse gevuntet zo schètza di kandidatùrn boda soин khent inngètt vo schualn, firme un start-up un dar Trentino o hatt zornìrt soine finalistn vorzolega dar internatzionàl djurì, di prodjèkte zornìrt soинz dar sèll inngètt von designer Alessio Ramundo, bodda hatt azpe titl “ADES - Restituire valore alla manualità artigiana per dare un futuro alla montagna in Trentino” un dar sèll von tèknesche ekonomìk Institut I.T.E. Antonio Tambosi vo Tria gehoaht “Progetto Valle dei Laghi”.

Da internatzionàlege Djurì, boda hatt drinn an khennar vor aniaglaz Lânt (Beeschlânt, Österraich, Taütschlânt un Svaitz), bart zornìrn di gebinnar vor da earst halbe von herbestmânat, anvétze di zerimonie zo geba in Prais bartze haltn antânto dar 56en Konferéhtz von Schaffar von Govèrne vo Arge Alp boda bart khemmen gemacht ka tria atz 23-24 von bimmat 2025.

In drai pestn prodjèkte vor aniaglana von zboa kategorìan vorgelekk von auszschraibung bartnda khemmen zuargètt di 10.000 euro asó auszgetoalt: 2.500 vor in earst platz, 1.500 vor in zboate 1.000 vor in draite.

Da untar khurtz di prodjèkte zornìrt:

“ADES - Restituire valore alla manualità artigiana per dare un futuro alla montagna in Trentino”

A prodjèkt inngètt von Alessio Ramundo vor di kategorì “firmen un start-up”.

Durch dar mittarbat zbisnen designer, hântarbatar un di kamöüschaftn von lentar, dar prodjèkt trakk vür zo macha möbl un ändarz geplèttra vorz haus pitt holtz un loimat durch traditzionàl tèknische un naturàl matardjéldar. Dar nâm “ADES”, boda in trentinar dialèkt bill soин gemuant est, bill merchan di aile zo legadese eppaz zo tüana âna zo vorliara zait. Dar prodjèkt bill nèt lai eppaz aumachan ma dar bill darzuar lirnén un leng panândar djunge un alte un pintn di altn pinn naüng djeneratziongen. ’Z iz a mustar boda mage khemmen genütz mearare vert, boda gitt vèrt in pèrge azpe a platz vor da zuarkhemmane, un nèt lai von gedenkh vo dise djar. Arbatante pittnândar pitt tischlar un bebar von lânt khinta zuargètt zo maga lirnén garade in di bèrkhstattн boda dise sachandarn khemmen gemacht. ADES schupft auzolega mikro firmen un mittarbat zbisnen designer un hântarbatar. Soi gesega haltet kunt vodar umbèlt süachante zo tüana daz peste. Di matarjdéldar boda khemmen genützt, holtz un loimat, soин naturàl un mang khemmen gevuntet in lânt o. Darzuar dar prodjèkt lekk au nètз zbisnen djeneratziongen un zbisenen profesionìstn pinn zil zo halta djungen in di lentar. Di pintom pinn pèrge asó iz nèt lai estètisch, ma ekonomìk, formatif un sotziàl.

“Progetto Valle dei Laghi”

Vorgelekk von tèknesche ekonomik Institut I.T.E. “Antonio Tambosi” vo Tria vor di kategori “schualn”, dar schual diridjént iz dar Andrea Bezzi.

Dar prodjèkt, boda bart innhaltn zboa djar bill gem vèrt in pèrge aulegante sportif trèff in di mánat auz vodar turistik djarzait in Valle dei Laghi. Dar prodjèkt iz augelekk vodar draite klasse boda lirnt “manager vo sport boma mage auhaltn” boda hatt ágeheft a morfologesche, idrografesche, stòrege un sotzio-ekonomesche analise von lânt un an analise von stòregen monuméntn. Darzuar khinta gehaltet starch kunt az saibe dèstar zuargian un azza alle mang nemmen toal. Ma bart arbatn aftz zèrte spòrt un herzorichta alte gehäus von lânt arbatante pittnândar pittn network OSPITAR, zoa zo maga ánemmen mearare turistn schedegante daz mindarste boma mage di umbèlt. Tünante asó gèttma o arbat in djungen. Dar prodjèkt machtze no raichar gebante vèrt in sèll boda khint prodürt in lânt azpe “Vino Santo” öl, khes, vlaisch, frukte un hone.

Arge Alp in an arbat kamòuschaft augelekk atz 12 von bimmat von djar 1972 atz Mösern, in Tiról, pinn zil z’arbata übar tème boda ágian alln un boda innvânk schiar 26 mildjü laüt.

’Z nemmnda toal in Arge Alp, ’z Taütschlânt pinn Frai Stato vodar Baviara, ’z Österraich pinn Länder Vorarlberg, Tiról un Salzburg, ’z Beleschlânt pinn zboa autonome Provintzan vo Poatzan un Tria un pittar Redjong Lombardia, di Svaitz pinn Kantöü Graubünden, Saknt Gallen un Tessin.

Übarsetzt von Schaltarle vor di zung von Toalkamou vodar Zimbar Hoachebene

Download un interviste [da](#)

<https://www.youtube.com/watch?v=g9Xqq2qv2OE>

<https://www.youtube.com/watch?v=t3tc0cTMYpk>

(cdt)